

**ZAPISNIK SA  
I VANREDNE (PROŠIRENE) ON LINE SJEDNICE UPRAVNOG ODBORA  
UDRUŽENJA POSLODAVACA U FBiH  
održane on-line putem zooma  
07.03.2023. godine (utorak), sa početkom u 12:00 sati**

**Na sjednici su prisustvovali članovi Upravnog odbora:** Adnan Smailbegović, Edin Ibrahimpašić, Nihad Imširović, Kemal Čolak, Ladislav Bevanda, Tomislav Majić, Rasim Memagić, Jadranka Penava, Envera Malagića, Koepruner Snježana, Šejla Bojadžija, Nijaz Skenderagić, Edin Jabandžić

**Na sjednici su po ovlaštenju članova UO prisustvovali:** Rijad Hasić (po ovlaštenju Adema Hanić).

**Na sjednici nisu prisustvovali:** Džemal Hasković, Mujo Hasić, Predrag Čović, Behrija Huseinbegović, Damir Vidačak, Nedžad Siočić i Samir Mustafić i koji su opravdali svoj izostanak.

**Ispred UP FBiH:** Mario Nenadić, direktor, Mladen Pandurević, savjetnik predsjednika i Mersiha Jusić, sekretar

Sjednicu je otvorio Adnan Smailbegović, predsjednik Upravnog odbora Udruženja poslodavaca i predložio sljedeći:

**DNEVNI RED**

1. Problematika neuvrštavanja na dnevni red Zastupničkog doma Parlamenta FBiH Prijedloga Zakona o izmjenama i dopunama Zakona o doprinosima i Zakona o dopuni Zakona o porezu na dohodak;
2. Tekuća pitanja

**Predloženi Dnevni red je jednoglasno usvojen.**

**RASPRAVLJANJE PO TAČKAMA DNEVNOG REDA:**

**Tačka I Problematika neuvrštavanja na dnevni red Zastupničkog doma Parlamenta FBiH Prijedloga Zakona o izmjenama i dopunama Zakona o doprinosima i Zakona o dopuni Zakona o porezu na dohodak**

Predsjednik Upravnog odbora je upozano prisutne vezano za ovu tačku dnevnog reda. Naime u proteklom periodu UPFBiH je insistiralo da se na dnevni red naredne sjednice Zastupničkog

doma Parlamenta Federacije Bosne i Hercegovine koja je zakazana za 15. mart 2023. godine hitno uvrsti Prijedloga zakona o izmjeni i dopuni Zakona o doprinosima FBiH i Prijedlog Zakona o dopuni Zakona o porezu na dohodak FBiH. Navedeni Zakoni bi omogućili povećanje primanja zaposlenih u realnom sektoru do 400 KM.

Usvajanje izmjena i dopuna ovih zakona omogućilo bi povećanje plaća zaposlenih u realnom sektoru do 400 KM. Prema predloženim izmjenama i dopunama dva zakona, na ova povećana neto primanja radnika, privredna društva i obrtnici plaćali bi samo umanjene doprinose za penzijsko i zdravstveno osiguranje, što bi omogućilo da ukupno povećanje plaće ide direktno radnicima.

Predsjednik je upoznao prisutne da je rukovodstvo Zastupničkog doma Parlamenta FBiH odbilo uvrstiti Prijedlog Zakona o dopuni Zakona o porezu na dohodak FBiH na dnevni red naredne sjednice Zastupničkog doma Parlamenta FBiH.

Naime, prošle godine ovlašteni predlagači zakona uputili su ove prijedloge u skupštinsku proceduru, ali su bez opravdanih razloga izgubljena skoro tri mjeseca ove poslovne godine, a nisu stvoreni uvjeti za povećanje plaća radnicima te se i dalje nastavlja trend nemotivisanosti i odlaska radnika iz naše države zbog niskih primanja i nestimulativnih uslova rada.

Punih sedam godina čeka se sistemsko rješenje i usvajanje zakona kojima bi se smanjilo opterećenje rada koje je najveće u Europi. Ova dva prijedloga su zajednička inicijativa poslodavaca i sindikata u realnom sektoru, ranije usaglašena i na Ekonomsko-socijalnom vijeću FBiH, privremenog su karaktera i primjenjivali bi se do usvajanja novih Zakona o doprinosima FBiH i Zakona o porezu na dohodak FBiH.

U diskusiji su učestvovali svi prisutni koji su se složili da je potrebno da UPFBiH insistira na uvrštavanju ovih tačaka na dnevni red sjednice zakazane za 15.3.2023. godine. Također, predloženo je i održavanje hitnog sastanka sa rukovodstvom ovog doma na kojem bi još jednom podsjetili sa hitnom potrebom uvrštavanja ove tačke na dnevni red prve naredne sjednice Zastupničkog doma Parlamenta FBiH i ozbiljnim posljedicama ukoliko se ovi zakoni ne nađu na dnevnom redu zasjedanja zakazanog za 15. mart 2023. godine.

Obzirom da nije bilo primjedbi, doneseni su sljedeći **ZAKLJUČCI**:

**A.D. 1.1. UPFBiH će u narednom periodu do održavanja sjednice Predstavničkog doma PFBIH pojačati kampanju kojom će pojasniti javnosti, vlastima i drugim zainteresiranim važnost za uvrštavanje na dnevni red i usvajanje Zakona o porezu na dohodak i Zakona o porezu na doprinose.**

**A.D. 1.2. UPFBiH će u naredna dva dana organizovati press konferenciju sa Savezom samostalnih sindikata BiH na kojoj će pozvati zastupnike da usvoje nevedene Zakone i predstaviti javnosti korist od navedenih zakona.**



**A.D. 1.3. Članovi UO će lobirati kod predsjednika parlamentarnih stranaka u Zastupničkom domu Parlamenta FBiH da insistiraju na uvrštavanju ovih zakona u dnevni red sjednice i donošenju navedenih Zakona.**

**Točka II Tekuća pitanja:**

Pod tekućim pitanjima nije bilo rasprave.

Zapisnik sačinila: Mersiha Jusić

PREDSJEDNIK UPRAVNOG ODBORA

Adnan Smailbegović